

Heshima kwa Nyumba Ya Mungu

Zishikeni Sabato zangu, mpaheshimu patakatifu pangu; Mimi ndimi Bwana—**Walawi 19:30.**

Mungu ni mkuu na mtakatifu; na kwa nafsi nyenyekevu, iaminiyo, nyumba Yake duniani, mahali ambapo watu Wake hukutana kwa ajili ya ibada, ni kama lango la mbinguni. Wimbo wa sifa, maneno yaliyonenwa na watumishi wa Kristo, ni mawakala walioteuliwa na Mungu kuandaa watu kwa ajili ya kanisa la juu, kwa ajili ya ibada hiyo iliyo bora zaidi.

Pale waabudu wanapoingia mahali pa kukutania, wanapaswa kufanya hivyo kwa heshima kubwa, wakipita kwa utulivu kwenda kwenye viti vyao.... Mazungumzo ya kawaida, kunong'ona, na kucheka havipaswi kuruhusiwa katika nyumba ya ibada, ama kabla au baada ya ibada. Kicho kikuu na cha kivitendo kinapaswa kuwa sifa ya wale wanaoabudu.

Pale inapobidi wengine kungoja kwa dakika chache kabla ya mkutano kuanza, hebu wadumishe roho ya kweli ya kuabudu kwa kutafakari kimya kimya, wakiielekeza mioyo yao juu kwa Mungu katika maombi ili kwamba ibada hiyo iwe ya manufaa ya pekee kwa mioyo yao wenyewe na kuongoza kwenye usadikisho na wongofu wa nafsi nyingine. Wanapaswa kukumbuka kwamba wajumbe wa mbinguni wako ndani ya nyumba hiyo. Sisi wote tunapoteza ushirika mtamu sana na Mungu kwa kutotulia kwetu, kwa kutohamasisha nyakati za kutafakari na maombi....

Inua kiwango cha Ukristo katika akili za watoto wako; wasaidie kufungamana na Yesu katika uzoefu wao; wafundishe kuwa na heshima ya juu kabisa katika nyumba ya Mungu na kuelewa kwamba wanapoingia katika nyumba ya Bwana inapaswa kuingiwa kwa mioyo iliyolainishwa na kutiishwa kwa mawazo kama haya: "Mungu yuko hapa, hii ndiyo nyumba Yake. Ninalazimika kuwa na mawazo safi na dhana takatifu.... Hapa ni mahali ambapo Mungu hukutana na kuwabariki watu Wake." ...

Wazazi wasifundishe tu, bali pia wawaamuru watoto wao kuingia patakatifu kwa utulivu na kicho.

Jizoeze kuwa na kicho hadi kitakapokuwa sehemu yako wewe mwenyewe.